



ATASSUT

UPA15/31-1

Siverth K. Heilmann

16.04.2015.

Inuiaqatigiit kissaataat tunngavigalugit nunap ilaani aatsitassarsiorfissanik inerisaaviusussanik pilersitsinissaq aammalu nunap ilaani allani avatangiisit, ilorrisimaarneq, inuussutissarsiutit pioreersut assigisaalluunniit tunngavigalugit aatsitassarsiorfigineqarusunngitsunik pilersitsinissaq pillugu oqallisissiamik saqqummiusseqqullugit Naalackersuisut peqquneqarnissanik Inatsisartut aalajangiiffigisassaattut siunnersuut. Oqallisissiaq innuttaasunik, soqutigisaqatigiinnik aalajangiisartunillu peqataatitsinikkut amerlasuunit akuuffigineqartumik oqallinnissamut toqqammaviusaaq. Oqallisissiaq 2016-imi upernaakkut ataatsimiinnissaq nallertinnagu naammassineqareersimassaaq.

(Inuit Ataqtigiit Inatsisartunut ilaasortaataat)

Inuit Ataqtigiit Inatsisartuni ilaasortaataasa ataatsimoorlutik siunnersuutaat ATASSUT-mit makkuninnga qisuariaateqarfigissavarput:

Siunnersuutip taasissutissatut qulequtaata aallaqqaataa “inuiaqatigiit kissaataat tunngavigalugit” oqaaseqarfigeqqaalaarusupparput. Soorunami partiitut immikkut anguniagaqarlutalu soqutigisaqaraluarluta ATASSUT-mit qularutiginnilarput inuiaqatigiit kissaataat sapinngisamik annerpaamik pitsaanerpaamillu naammassiniarneqartassasut tamatta sulissutigigipput.

Kalaallit Nunatsinni aatsitassarsiornerup siuarsaavigineqarnissanik sulissutiginninnerput allorissaaqatigiinnermik aammalu siunnerfeqaqatigiinnermik aallaavilimmik ingerlanneqarsimavoq, tamatumalu malitsigisaanik ATASSUT-mit iluarisimaakkatsinnik aatsitassarsiornermut inatsit Inatsisartuni partiit ataatsimoorullugu suliaralugulu naammassisimavaat.

Ajuusaarutigeqisatsinnilli ukiuni kingullerni allorissaaqatigiinnermit Inuit Ataqtigiit anillassallutik toqqarsimavaat, taamaalillunilu aatsitassarsiornermut tunngatillugu ataatsimoornerugaluaq ajalusoorpoq inuiaqatigiillu marlunnet avinneqartutut inissisimatinneqalerlutik.



ATASSUT-mit tamanna assut ilungersunartutut nalilerparput, neriuutigeqaarpullu Inuit Ataqatigiit killorngusutut inissisimajunnaarlutik tamakkiisumik suleqataaq qilissasut, tassami tamanna pisinnaagaluartoq Naalakkersuisooqatigiinnissamik isumaqatigiinniarnep nalaani ersersinneqarpoq.

Isumaqatigiinniarnep nalaani Inuit Ataqatigiit attueqqusinnigilluinnarnermik atorunnaarsitsisimanerup taasissutigineqarnissaanik tamaviaarutertik tunuartippaat Naalakkersuisooqatigiinnermik pilersitsisoqassapat namminneq peqataallutik, taasisitsisoqassanersoq Inatsisartunut aalajangi gassanngortinneqassasoq avammut ilisimatitsissutigamikku. Tassa imaappoq Inuit Ataqatigiit Naalakkersuisunngoqataasimagaluarpata eqqissinersuaqarsimassagaluarpoq, kisiannili ilisimaneqartutut tamanna pinngilaq, massakkullu aallaqqaataaniit suleqatigiinnani illuatungeriinnerit aallarteqqinneqarput, tamanna assut ilungersunarpoq ATASSUT-millu neriuutigeqaarput allorissaaqatigiinneq pilersinneqaaqqikkumaartoq, taamaalillunilu inuiaqatigiit kissaataat naapertorlugu annertunerpaamik aatsitassarsiorneq pillugu suleqatigiittoqaqqilerumaartoq.

Matumani nunap ilaani aatsitassarsiorfissanik inerisaaviusussanik pilersitsinissaq aammalu nunap ilaani allani avatangiisit, ilorrisimaarneq, inuussutissarsiutit pioreersut assigisaalluunniit tunngavigalugit aatsitassarsiorfigineqarusunngitsunik pilersitsinissaq pillugu oqallisissiamik saqqummiusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut Inuit Ataqatigiinnit saqqummiunneqarpoq.

ATASSUT-mit qularutiginnigilluinnarparput nunatta pisuussutai uumaatsutut taaneqartartut nunatta aningaasarsiorneranut annerpaamik iluaqutigineqarnissaat inuiaqatigiinni amerlanerpaat kissaatigigaat, aatsitassanut inatsit, partiit tamatta ilusilersueqataaffigisarput tunngavigalugu isumannaarniarneqarnikuuvoq nunatsinni sumiluunniit aatsitassarsiortoqassagaluarpat pingaartumik inuit avatangiisillu isumannaallisaanikkut annerpaamik illersorneqassasut.

Kalaallit Nunatsinni aatsitassarsiornissamut piumasaqaatit sukannersorujussuupput, aarleqqutigaaarpullu nunaminertanik attueqqusinnigilluinnarnermik kissaat



ATASSUT INATSISARTUNI

piviusunngortinneqassappat Naalakkersuisooqatigiinniit Naalakkersuisooqatigiinnut allanngorartumik nunaminertat suut attorneqaqqusaassannginersut nikerartumik aalajangersaasoqartalissasoq, taamaammat ATASSUT-mit taamatut periuseqartoqalernissaa ilalersinnaangilarput.

Naalakkersuisut akissuteqaataat sukumiisorujussuaq ATASSUT-mit isumaqataaffigaarput tusaatissatullu tigullugu. Taamatut oqaaseqarluta ATASSUT-mit inassutigissavarput siunnersuut ilalerneqassanngitsoq taamatullu iluseqarluni aappassaaniigassanngortinneqassasoq.